



საქართველო GEORGIA

გარემოს დაცვისა და
სოფლის მეურნეობის
სამინისტრო

MINISTRY OF ENVIRONMENTAL
PROTECTION AND AGRICULTURE
OF GEORGIA

N 9841/01
17/09/2021

9841-01-2-202109171734



ინდივიდუალურ მეწარმე გივი დეკანოიძეს
მის: საქართველო, ზესტაფონი ს. პირველი სვირი 23-ე ქ. N 29
ელ.ფოსტა: gividek2020@mail.ru

საქართველოს გარემოს დაცვისა და სოფლის მეურნეობის სამინისტრომ განიხილა გარემოსდაცვითი გადაწყვეტილების მიღების მიზნით თქვენ მიერ 2021 წლის 25 აგვისტოს წარმოდგენილი N15194 განცხადება, რომელიც ეხება ზესტაფონის მუნიციპალიტეტში, სოფ. პირველის სვირის მიმდებარე ტერიტორიაზე თევზსაშენი ტბორის მოწყობის მიზნით წყლის შესაკავებელი ნაგებობის მოწყობასა და ექსპლუატაციას.

გაცნობებთ, რომ „გარემოსდაცვითი შეფასების კოდექსის“ თანახმად, გზმ-ის ანგარიში ხელმოწერილი უნდა იყოს იმ პირის/პირების მიერ, რომელიც/რომლებიც მონაწილეობდა/მონაწილეობდნენ მის მომზადებაში, მათ შორის, კონსულტანტის მიერ (ასეთის არსებობის შემთხვევაში). თქვენ მიერ წარმოდგენილი დოკუმენტის ელექტრონულ ვერსიაში არ ფიქსირდება გზმ-ის ანგარიშის მომზადებაში მონაწილე პირების ხელმოწერები, რაც საჭიროებს კორექტირებას.

გარდა ამისა, „გარემოსდაცვითი შეფასების კოდექსის“ მე-10 მუხლის მე-3 ნაწილის „მ“ ქვეპუნქტის თანახმად, გზმ-ის ანგარიში უნდა მოიცავდეს აღნიშნული ნაწილით გათვალისწინებული ინფორმაციის მოკლე არატექნიკურ რეზიუმეს, საზოგადოების ინფორმირებისა და მონაწილეობის უზრუნველსაყოფად, რაც წარმოდგენილი არ არის.

ამასთან, გზმ-ის ანგარიშში დაზუსტებას საჭიროებს შემდეგი საკითხები:

- გზმ-ის ანგარიშში და გზმ-ის ანგარიშს დართულ ზღრ-ის ნორმების პროექტში აღნიშნულია, რომ წყალჩაშვების წერტილის კოორდინატებია: X-332965; Y-4664651, ხოლო დოკუმენტში წარმოდგენილ სიტუაციურ რუკაზე წყალჩაშვების წერტილად მითითებულია განსხვავებული კოორდინატები. შესაბამისად, აღნიშნული საჭიროებს კორექტირებას;
- დოკუმენტის თანახმად, უახლოესი საცხოვრებელი სახლი საპროექტოტერიტორიიდან დაშორებულია 500 მ-ით. მონაცემების ელექტრონული გადამოწმებით დგინდება, რომ მანძილი ნაკვეთის საკადასტრო საზღვრიდან უახლოეს სახლამდე დაახლოებით 460 მ-ია. შესაბამისად, აღნიშნული საჭიროებს კორექტირებას;

- გზმ-ს ანგარიშს დართული „სკოპინგის ანგარიშით წარმოდგენილი საკითხების გათვალისწინების ცხრილის“ თანახმად, პროექტის საჭიროების დასაბუთება წარმოდგენილია დოკუმენტის შესავალ ნაწილსა და მე-2 პარაგრაფში, თუმცა მითითებულ ნაწილებში აღნიშნული საკითხი განხილული არ არის;
- გზმ-ის ანგარიშის 13.2. პარაგრაფში აღნიშნულია, რომ სხვადასხვა კრიტერიუმებიდან გამომდინარე, „არ იქნა განხილული პროექტის სხვა ტერიტორიაზე განხორციელების ალტერნატივა“, თუმცა ამავე პარაგრაფის თანახმად, „მომხრებით მოიაზრებოდა ალტერნატიული ტბორის მოწყობა“, და „მოცემული ალტერნატიული ვარიანტი უარყოფილი იქნა გარემოზე შედარებით მაღალი ზემოქმედების გამო“. აღნიშნული საკითხები ურთიერთგამომრიცხავია, აგრეთვე, დოკუმენტში არაა წარმოდგენილი ინფორმაცია იმის თაობაზე, თუ რომელი ტერიტორია განიხილებოდა საპროექტო ნაკვეთის ალტერნატიულ ვარიანტად. გზმ-ის ანგარიშში განხილული უნდა იყოს დაგეგმილი საქმიანობის განხორციელების ადგილის ალტერნატივები;
- გზმ-ის ანგარიშში წარმოდგენილი არ არის ინფორმაცია საპროექტო ტბორში ჩასასმელი მასალის შემოტანის წყაროს შესახებ;

აღნიშნულიდან გამომდინარე, სამინისტრო გარემოსდაცვითი გადაწყვეტილების მიღების მიზნით ადმინისტრაციულ წარმოებას დაიწყებს აღნიშნული საკითხების გათვალისწინებით შესწორებული გზმ-ის ანგარიშის და თანდართული დოკუმენტაციის წარმოდგენის შემდგომ.

ნინო თანდილაშვილი

მინისტრის მოადგილე


